

痘

疹

集

西文

序

痘科皆推金鏡心法一書自發熱現點起脹灌漿結痂還
元層次井然卽不知醫者亦可對書用藥此其妙也然核
其立方平證固亦無害危險毫不爲功不若西昌舒馳遠
先生識見高遠論證則辨析精詳用方則單刀直入平證
固易奏效危險亦可十全誠扶危之大力濟世之慈航也
代蔡集要前後次第以金鏡心法爲主辨證用方以舒先
生爲宗間參鄙見皆親身主治經驗再三不敢杜撰以貽
誤後人匪敢沽名聊以救世云爾湖南善化李代蔡轉文
氏謹序

痘科集要

善化李代棨著

初發熱至痘出齊數日內治法

舒馳遠曰痘稟於陰而成於陽稟於陰者以痘爲先天眞陰中之胎毒也成於陽者以痘必需陽氣爲之運送而後能成亦陰借陽生之義也方其初痘苗一發則頭身發熱

代棨

按其證必兼口渴煩燥大便秘結小便赤濇乃痘

苗發現眞陽流露之本證切不可疑爲有熱妄用清解其或初起發熱時卽有腹痛嘔吐惡食疲倦等證此又脾胃虛弱中寒之體必不能送毒出外速用溫中託毒湯連進數劑庶幾有濟

三日而苗現此爲陽氣鼓動蒸鬆肌肉以透苗苗齊則熱退乃眞陽內伏交會於陰方能供其所用也並非邪從外解者比迨至運水成漿復發熱三日乃眞陽復出薰騰津液而運水水足則陽仍伏而熱退及其養漿則眞陽仍出而復發熱以化毒成膿三日膿成則熱仍退而陽伏漿既足又必藉熱以乾之否則不能結痂痂落後又熱三日蒸化斑點謂之燒斑否則斑不能化俗醫謬謂誤食鹹物乃由不識此理耳所謂痘稟於陰而成於陽如此然則治痘始終以扶陽爲第一義其清解之法必因實邪不得已而行之切不可誤

代榮

按不得已之中再加斟酌何也總以痘苗一發眞陽先現證似實火曾見誤用寒涼遂至作泄不止逆證蠱起不能補救慎之慎之

若誤於齊苗時則水不能足而頂陷頂陷者陽氣虛也法當大補陽氣否則頂終不起且必厥逆腹痛而證變矣若誤於養漿時則膿不能成而癢塌癢塌者火衰也法宜溫中託毒湯大劑陡進否則寒戰咬牙吐瀉交作不可爲矣至於身涼而膿不乾痂落而斑不化者皆清熱解毒之過也所言不可清者正熱也乃眞陽發見於外助以成其功也然又有邪熱與正熱不同不可不辨邪則傷正足以害

痘又不可不治其邪當分經辨證隨證用治

金鏡心法曰發熱之初若身熱和煖或熱或退時有微汗喜露頭面手足溫和人事清爽飲食有味二便如常此乃陽氣蒸薰自內達外不必用藥發汗但戒葷禁風調護而已蓋痘有順而不必治者不輕治卽所以治之也

舒馳遠曰雖然無邪不可玩視倘見發熱和緩精神疲倦飲食不愛卽當用輕劑扶陽助胃方爲妙算發熱之初或憎寒壯熱頭痛咳嗽鼻塞聲重多因外感不可不發散也用加味參蘇飲微汗之然皆不可出汗大多恐虛其表難起脹灌漿也慎之慎之旣經發汗而身熱漸緩頗安靜者

其痘出必稀此爲順候且勿藥以待之

加味參蘇飲

人參

二分用亦可

蘇葉

五分

小川芎

四分

桔梗

四分

前胡

四分

陳皮

二分

甘草

二分

粉葛

八分

防風

五分

生薑

二片

同煎熱服取微汗中病卽止不必盡劑

微汗之後或身熱不退而煩渴者且勿峻攻姑少待之其或煩悶燥渴而妄語者用敗毒和中散清之

敗毒和中散

連翹

去心蒂研碎

牛蒡子

製同前各六分

黃連

酒炒銀花可代

枳殼

炒各七分

防風

五分

荆芥

五分

紫草茸

酒炒

蟬退

去頭足

桔梗

各四分

木通

五分

升麻

四分

小川芎

四分

甘草

四分

麥冬

去心 八分

大便秘者加酒炒大黃一錢二分微利之不秘者忌用

代漿

按凡痘苗初發雖口渴便秘煩燥妄語皆眞陽流

露之本證不可疑爲實熱妄用寒涼予次女二歲時出

痘壯熱口渴口臭煩燥大便三五日不解小便短赤啼

叫不已熱二日卽現痘痘色赤紫時西席某君亦知看

痘予商之再四實有熱證不得已於二更時分配敗毒

和中散加酒炒大黃一錢二分微利之先服半小盞不

見動靜再服半小盞一時許女要出弓先黃硬後瀉兼

黑凍甚多予曰誤矣誤矣先硬後瀉裏氣虛也黑凍眞

陽薰蒸之色今從下出裏陽洩矣將何正氣送毒出外
隨用大劑溫中託毒湯連進至五更已瀉三五次矣由
是大渴轉加作瀉不止總以此湯大劑日三五服至七
八日痘始現齊稠密之至其色時白時紅又以附子末
煮入粥內一日吃二三盃沉重之至十餘日痘未起脹
而頭面頂腫如吹豬脬痘書云痘未起脹而頭面頂腫
者乃爲元虛浮腫非起脹也痘毒唯藉元氣爲之運送
元氣弱則痘不脹而頭面反見虛腫危候也腫者任腫
瀉者任瀉渴者任渴此湯總不歇手由是身上及頭面
之痘漸次起脹覺是清水全無線漿兼之其癢異常每

曰必搔破見血時時以水粉撲之從此飲食漸加瀉漸止腫漸消不與豬肉恐其助瀉以鷄肉鮮魚食之日四餐夜兩餐至二十餘日頭頂髮際皆出黃膿結痂甚厚予喜曰此生機也然頭身之痘俱未大長身中之毒從何而出今頭上出膿得補劑之功痘毒得以託出生路在此至三十餘日痂落頭面脫出一殼月餘始下地行走半載髮始生者朮桂附服過無數因一誤藥挽救百端若神痘治之十女皆死矣危乎微乎

舒馳遠曰凡邪熱過勝者固宜亟驅其邪然不可盡除其熱邪退之後輕劑扶陽助胃方無後患曾醫一人齊苗時

身熱煩燥口渴飲冷不惡寒大便秘小便濇苗色赤而暗
顆粒小若鍼尖此爲邪熱過勝胃有結燥吾用牛子蟬退
以解外熱生地紫草茸以解血分之熱重用大黃少佐芒
硝以蕩結燥一劑大便通二劑泄下二次熱去身涼苗轉
紅活光壯是夜復加煩燥啼叫不已問其故不能自達予
細思痘書有云熱不可盡除此爲大黃過劑損傷裏陽以
至苗氣不能發越轉而內逼急投溫中助陽補氣之劑一
服而安未幾到省傳士中問及痘科用藥扶陽之道吾語
之故並舉此證以告士中愕然曰誤矣前在閔子岡見一
證與先生所言同師亦用下二次下後煩渴不已師見苗

色佳玩忽不藥越二日厥逆腹痛死矣可見熱不可盡除
眞格言也然尤貴圖之於早失時則無及矣慎之慎之

代案

按舒先生所治與予次女之證同皆眞陽發露之
本象先生誤認爲邪熱下傷裏陽所以復加煩燥幸先
生明手速改扶陽之劑一投而安然亦危矣痘苗初熱
煩燥口渴大便秘小便濇皆體氣虛弱之兒及至發痘
眞陽不斂現此假熱之證請觀齊苗時卽不用寒涼而
大便自然滑泄精神疲倦痘不起頂虛證全露錄此方
者亦備而不用之義也或問此時煩渴譫妄又將何藥
予曰此時但看飲食何如如飲食強健不如勿藥俟痘

苗現點熱證必退然後用參砂和胃散助其速現如飲食不愛精神疲倦或兼腹痛嘔逆手冷無論渴與不渴速與溫中託毒湯不可拘初熱不可用補之說也此時煩渴謔妄乃元陽虧虛不能送毒外出今日之渴即爲明日之瀉若誤用寒涼至齊苗時措手不及矣

參砂和胃散

法半夏 一錢 砂仁 一錢 炒白朮 三錢 炙甘草 三分

白茯苓 五分 人參 不拘 廣陳皮 三分 煨薑 一片 同煎腹

痛手冷或見食則嘔俱加製附片錢半炮薑五分或用

溫中託毒湯亦可

溫中託毒湯

綿耆

一兩五錢苗未齊用酒炒苗齊用蜜炙

貢白朮

五錢

炮薑

四錢

法半夏

二錢

元砂頭

錢半

製附片

八錢或一兩二錢

上肉桂

一錢去粗皮切片入藥煎

人參

一錢飯上蒸兌力不及者弗用

龍眼肉

四枚

大棗

二枚

同煎去渣入好酒半盃溫服鹿茸鹿胎此方

俱可加用但不可入芎歸芍地一切陰凝之味鹿茸鹿

胎須去毛洗淨切片酒炙黃每劑加三五錢但嘔瀉者

恐其腥氣不納不用亦可嘔甚者加丁香五分瀉甚不

止者加肉苳蔻二錢麩包煨搥淨油或再用附片研末

加入稀粥內與服令其久停胃中不至藥性易過故也

此方溫中託毒助膿灌漿止瀉補虛回陽益胃進食止嘔

扶危救急起死回生較痘科參歸鹿茸千金內託等方功
勝百倍或證重十分藥分倍之可也

金鏡心法云微汗之後或身熱不退而煩渴者且勿峻攻
姑少待之切不可輕用柴胡黃芩乾葛花粉等清解之劑
此藥用差一劑解虛其表至七八日後漿必不行雖極力
補救無能爲役其瘡枯焦癢塌而死矣蓋痘以裏爲根以
表爲基一虛其表是築室而圯其基也是治痘與傷寒大
不同也近時箸書首以發表解表立說惑世誤人爲害甚
大

又云有當時令自出者或發熱稍緩或作或止其紅點或

未見或微見而未明出痘與否正在疑似之間不如且勿藥以待其自定但禁風禁葷調護而已不輕治卽所以深治之也或妄投清涼解毒之劑迫之內攻而禍速矣多有報痘數日卽煩悶驚搐而死此解毒之劑殺之也正如閉門殺賊宮中之人反遭殘害醫者曰吾解毒何至於殺人病家亦曰彼解毒何至殺吾人亦可悲已語曰久臘者毒必厚痘毒稟於胎元伏於五藏一旦觸發猛銳莫當是必藉氣血送毒外出成漿結痂然後毒散功成此病機亦化機也若以清解遏其猛銳之勢如初決之堤水勢排山捧土塞之有是理乎近世庸醫多犯此失舉世茫然殊可矜